

**ZAJKAWM 21**  
**TUS TIMTSWV CEEBTSHEEJ THIAB THOOJ NTAWV ME ME**  
**Tshwmsim 10:1-11 (MWW)**  
**Kx. Peter Ntxoov Tuam C. Yaj**  
**03/24/2020**

**Nqai cim:**

**Tshwmsim 10:6** “thiab nws tuav Vajtswv tus uas muaj sia nyob mus ibtxhis, tus uas tsim lub ntuj, lub ntiajteb, hiavtxwv thiab tsim ib puas tsav yam uas nyob saum ntuj thiab hauv ntiajteb no lub npe coglus hais tias, “Luag yuav tsis ncuca sijhawm ntev lawm!”

**Nyeem, sibtham, thiab teb cov lus nug hauv qab no:**

**Tshwmsim 10:1** “Tom qab ntawd kuv pom dua ib tug timtswv ceebtsheej uas muaj hwjchim loj kawg nkaus los saum ntuj los. Muaj ib tauv huab qhwv nws thiab muaj ib tug duab zaj vij nws lub taubhau; nws lub ntsejmuag ci ib yam li lub hnuv, thiab nws ob txhais ceg zoo ib yam li tus nplaim taws uas cig ntswj pesyos.”

1. Tus timtswv no hnav cev khaubncaws zoo li cas?
  - Nws hnav cev khaubncaws uas ua huab qhwv nws.
2. Nws muaj dab tsi vij tus timtswv no lub taubhau?
  - Nws muaj ib tug duabzaj vij nws lub taubhau.
3. Nws lub ntsejmuag ci zoo li cas?
  - Nws lub ntsejmuag ci ib yam li lub hnuv.
4. Nws ob txhais ceg zoo li cas?
  - Nws ob txhais ceg zoo ib yam li tus nplaim taws uas cig ntswj pesyos.
5. Lub ntsiab lus uas “hnav cev khaubncaws uas ua huab qhwv” yog txhais li cas?
  - Nws qhia txog nws royalty uas muaj nyob mus li.
6. Tus duab zaj no yog sawvcev dab tsi?
  - Kev cog lus ntawm Vajtswv rau noob neej.
7. Leej twg yog tus uas kom qhov kev cog lus rau tibneeg no tiav rau peb?
  - Peb tus Tswv Yexus Khetos.

**Tshwmsim 10:2** “Nws txhais tes tuav rawv ib thooj ntawv me me uas twb muab nthuav lawm. Nws rhais nws sab taw xis mus tsuj hauv hiavtxwv thiab nws sab taw laug tsuj sau nruab nqhuab.”

8. Tus timtswv no muaj dabtsi nyob ntawm nws txhais tes?
  - Nws muaj thooj ntawv me me nyob ntawm nws txhais tes.

9. Thooj ntawv me me nyo yog dabtsi?
  - Nws yog daim ntawv uas nias homthawj tswj lub ntiajteb no (Yelemis 32:10-17)
  - Nws yog lub cim qhia txog tus Tswv Yexus muaj cai yuav tswv kav lub ntiaj teb no (Ntawv Nkauj 2:6-9)
  - Nws yog Vajtswv Txojlus (Yauhas 1:1)
10. Tus timtswv no rhais nws sab ob sab taw mus tsuj qhov twg?
  - Nws rhais nws sab taw xis mus tsuj hauv hiavtxwv thiab nws sab taw laug mus tsuj sau nruab nqhuab.
11. Yog vim li cas tus timtswv no thiaj li muab phau ntawv me me nthuav lawm?
  - Nws muab phau ntawv me me no nthuav koj los qhia txog kev txiamtxim zaum kawg kom pom meej.
12. Leejtwg yog cov uas yuav noj phau ntawv me me no nrog Yauhas thiab?
  - Cov ntseeg Vajtswv.
13. Yam dabtsi yog yam tseem ceeb tshaj peb tej zaub mov ua peb noj txhua hnuv?
  - Nws yog kev kawm Vajtswv Txojlus.
14. Vim li cas cov uas ntseeg Vajtswv thiaj li noj Vajtswv Txojlus?
  - Vim nws yuav muab lub zog rau peb kom kovyeej txhua yam ua ntej Nws.

**Tshwmsim 10:3 “Nws hais lus nrov ib yam li tsov ntxhuav nyooj. Thaum nws hais lus tagrho, ces xob txawm nroo xya zaus teb.”**

15. Tus timtswv no hais lus nrov li cas?
  - Nws hais lus nrov ib yam li tsov ntxhuav nyooj.
16. Thaum nws hais lus tasrho ces muaj xob nroo pestsawg zaug?
  - Nws muaj xob nroo xya zaug.

**Tshwmsim 10:4 “Thaum xob nroo xya zaus teb tas lawm kuv twb yuav luag sau, tiamsis kuv ho hnov ib lub suab hais saum ntuj tuaj rau kuv hais tias, “Koj cia li muab tej lus uas xob nroo xya zaus ntawd npog cia tsis txhob sau!”**

17. Muaj ib lubsuab hais sau ntuj tuaj kom Yauhas ua dab tsi?
  - Kom nws cia li muab tej lus uas xob nroo xya zaus ntawd npog cia tsis txhob sau.
18. Tus Tswv Yexus ua kom leej twg muaj peevxwm totaub txog Nws tej lus pivtxwv uas nyob hauv Phau Vajlugkub?
  - Nws uas kom cov ntseeg xwb thiaj li muaj peevxwm yuav totaub txog Nws tej lus pivtxwv nyob hauv Phau Vajlugkub.

**Tshwmsim 10:5 “Kuv pom tus timtswv ceebtsheej uas ib sab taw tsuj hauv hiavtxwv thiab ib sab taw tsuj sau nruab nqhuab tsa nws sab tes xis rau saum ntuj.”**

19. Tus timtswv ceebtsheej no tsa nws sab tes xis rau qhov twg?
- Nws tsa nws sab tes xis rau saum ntuj.

**Tshwmsim 10:6 “thiab nws tuav Vajtswv tus uas muaj sia nyob mus ibtxhis, tus uas tsim lub ntuj, lub ntiajteb, hiavtxwv thiab tsim ib puas tsav yam uas nyob saum ntuj thiab hauv ntiajteb no lub npe coglus hais tias, “Luag yuav tsis ncuu sijhawm ntev lawm!”**

20. Leejtwg yog uas coglus tias luag yuav tsi ncuu sijhawm ntev lawm?
- Nws yog Vajtswv tus uas muaj sia nyob mus txhis, tus uas tsim lub ntuj lub ntiajteb,hiavtxwv thiab tsim ib puas tsavyamuas nyob sau ntuj thiab hauv ntiaj teb no.
21. Vim li cas luag thiaj li yuav tsi ncuu sijhawm ntxiv lawm?
- Vim tias twb txog lub sijhawm uas lub ntiaj teb no kawg lawm.

**Tshwmsim 10:7 “Tiamsis thaum tus timtswv xya tshuab nws lub xyu, Vajtswv yuav ua Vajtswv tes haujlwm uas Vajtswv muab zais cia lawm kom tiav, raws li tej uas Vajtswv twb xub qhia rau nws cov tubtxib thiab cov uas cev Vajtswv lus lawm.”**

22. Thaum twg Vajtswv li mam yuav ua Nws tes haujlwm uas Vajtswv muab zais cia lawm kom tiav?
- Thaum uas tus timtsev xya tshuab nws lub xyu.
23. Vajtswv twb xub muab qhia rau leej twg ua ntej lawm?
- Nws twb xub qhia rau nws cov tubtxib thiab cov uas cev Vajtswv lus lawm.
24. Peb pom li cas hais txog tus Tswv Yexus thiab peb nyob hauv 1 Yauhas 3:2 no?
- Peb yog Vajtswv cov menyuam. Peb yuav pom Nws meej tias Nwg yog leejtwg thiab peb yuav zoo li Nws.
25. Leejtwg thiaj li yuav nkag siab rau qhov no?
- Tsuas yog tus uas tus Tswv Yexus qhia rau nws mas nws thiaj li yuav to taub xwb.

**Tshwmsim 10:8 “Tom qab ntawd kuv hnov lub suab uas thawj zaug hais rau kuv lawm rov hais rau kuv hais tias, “Koj cia li mus muab thooj ntawv me me uas twb muab nthuav lawm ntawm tus timtswv ceebtsheej uas ib sab taw tsuj hauv hiavtxwv thiab ib sab taw tsuj sau nruab nqhuab txhais tes.”**

26. Leejtwg yog tus uas hnov lub suab kom nws mus muab thooj ntawv me me ntawm tus timtswv ceebtsheej no?
- Yauhas.

**Tshwmsim 10:9** “Ces kuv txawm mus cuag tus timtswv ntawd thiab thov nws muab thooj ntawv me me ntawd rau kuv. Nws hais rau kuv hais tias, “Koj cia li muab thooj ntawv no noj; thaum koj nqos lawm yuav ua rau koj lub plab iab, tiamsis thaum nyob hauv koj lub qhovncauj mas yuav qab zib ib yam li zib ntab.”

27. Tus timtswv no qhia rau Yauhas kom nws ua dab tsi rau thooj ntawv me me no?
  - Kom Yauhas cia li muab thooj ntawv me me no noj.
28. Thaum uas Yauhas noj thooj ntawv no, nws qab li cas?
  - Thaum uas nws nqos lawm yuav ua rau nws lub plab iab, tiamsis thaum nyob hauv nws lub qhovncauj mas yuav qab zib ib yam li zib ntab.

**Tshwmsim 10:10** “Kuv thiaj muab thooj ntawv me me ntawm tus timtswv txhais tes los noj, thaum tseem nyob ntawm kuv qhovncauj mas qab zib ib yam li zib ntab. Tiamsis thaum uas kuv nqos rau hauv plab lawm iab li tus timtswv hais tiag.”

29. Lub ntsiab lus ntawm qhov ua iab no yog txhais li cas?
  - Nws yog ib qhov iab heev lossis nyuaj heev mus rau lub sijhawm uas yuav txiavtxim thiab kev txomnyem zaum kawg.

**Tshwmsim 10:11** “Tom qab ntawd luag hais rau kuv hais tias, “Koj yuav tsum rov qab qhia Vajtswv Txojlus uas hais txog txhua haijneeg, txhua lub tebchaws, txhua yam lus thiab txhua tus vajntxwv dua ib zaug.”

30. Luag kom Yauhas rov qab mus ua dabtsi nyob hauv nqai 11 no?
  - Luag kom nws rov qab mus qhia Vajtswv Txojlus rau txhua haijneeg, txhua lub tebchaws, txhua yam lus thiab txhua tus vajntxwv dua ib zaug.